

Workers World Media Productions pre-recorded radio interview: Setswana

Ditlolamolao tsa thobalano: Gwego ya mmele mo bagolong

1. Commission's Task

1. Mosebetsi wa Khomišene ya Molao Pstlasigo

Tiro ya Khomišene ke go tlhoma, go tokafatsa le go ntšhafatsa molao mo Afrika Borwa. Porojeke 107 e kobile ditlolamolao tsa thobalano mme karolo ya porojeke e, e lebile kgwebo ka mmele mo bagolong.

2. Explain the law reform process on adult prostitution?

2. Tlhalosa tsamaiso ya ntšhafatso ya molao malebana le kgwebo ka mmele mo bagolong?

Khomišene e gatisitse le go phasalatsa Setlankana sa Ditherisano ka ga Ditlolamolao tsa Thobalano: Kgwebo ka Mmele mo Bagolong (Setlankana sa Ditherisano 1/2009) gore baagi ba tshwaele ka 6 Motsheganong 2009. Maitlhommo a setlankana sa ditherisano e ne e le go ngoka ditshwaelo tse di tla dirisiwang go thusa Khomišene go rulaganya pegelo le go rala melao.

Maitlhomomagolo a tlhotlhomiso ke go leba sešwa letlhomiso le le sa momaganang la molao le ga jaana le laolang kgwebo ka mmele mo bagolong. Maitlhommo a a latelang ke go lemoga tlhokego ya tokafatso ya molao malebana le kgwebo ka mmele mo bagolong le go supa ditsibogo tse di farologaneng tsa pholisi le melao tse di ka laolang, go thibela, le go kganela, kgotsa tsa fokotsa kgwebo ka mmele.

Thebolo ya Setlankana sa Ditherisano ka ga Ditlolamolao tsa Thobalano (Sexual Offences): Kgwebo ka Mmele mo Bagolong (Adult Prostitution) e tla latelwa ke Pegelo. Re ikaelela go konosetsa Pegelo kwa bokhutlong jwa Tlhakole 2011. Pegelo e tla nna le dikatlenegiso tsa Khomišene mme e tla bo e na le seralwa tsa ditshitshinyo tsa molao malebana le kgwebo ka mmele mo bagolong. Pegelo e, fa e sena go amogelwa ke Khomišene, e tla isiwa go Tona ya Bosiamisi le Tlhabololo ya Molaotheo gore a e sekaseke.

3. Explain the different options you have already identified for public debate?

3. Tlhalosa mefuta e e farologaneng ya dingangisano tsa botlhe e lo setseng lo e tsaya tsia.

Ere ke simolole ka gore go botlhokwa gore molao wa ga jaana ke ofe le go tihalosa mothamo wa ditlhotlhomiso. Sa ntlha, ka fa tlase ga molao wa Afrika Borwa, go gweba ka mmele jaaka mogolo, kgotsa go reka thobalano ka go ithaopa jaaka mogolo le ditiragalo tse di amanang natso ke ditlolomolao tsa bosenyi.

Sa bobedi, mekgwa yotlhe e e tshitshintsweng e amogela gore kgwebo ka mmele ya bana ba bannye ka pateletso le go gweba ka batho ka mabaka a kgwebo ka mmele di tsewe jaaka bosenyi. Khomišene e akanya gore go kaiwa bosenyi ga kgwebo ka mmele ya pateletso go tsenngwe mo ntlheng e e atlenegisiwang mo pegelong eo.

Khomišene e naya **mekgwa e mene e e farologaneng ya semolao** e e ka dirisiwang mo Afrika Borwa.

Ka fa tlase ga mokgwa(option) wa *total criminalisation*, maitsholo a batho botlhe ba ba amegang mo kgwebong ka mmele ya bagolo, go akaretsa mogweba-ka-mmele, moreki le maphata afe fela a boraro ke bosenyi (se ke maemo a ga jaana mo Afrika Borwa).

Mokgwa wa *partial criminalisation* o kaya e le bosenyi ditiro tsa ba ba dirang ka go gweba ka mmele(pimps), brothel-keepers (beng ba matlo a go gweba ka mmele), barekisi (traffickers) mme dinako dingwe, le bareki. Bagweba-ka-mmele ga ba tsewe ba dira bosenyi gonne ba tsewa e le batswasetlhabelo.

Mokgwa wa *taolo* o itsegeng gape jaaka go tsenngwa molaong (legalization), o batla go laola kgwebo ka mmele ka mokgwa wa sekema sa taolo jaaka go rebolelwa dilaesense ga *dibrothel*, kwadiso kgwebo ka mmele kgotsa tshupo ya mafelo a a itsegeng jaaka '*red light zones*' kwa bagweba-ka-mmele ba ka tswang ba direla teng. Mokgwa o o letla gore kgwebo ka mmele e nne ya semolao fela e laolwe. Kgwebo ka mmele le ditiragalo tse dingwe tse di amanang nayo tse di leng kwa ntle ga sekema se se laotsweng di tsewa e le bosenyi.

Mokgwa wa *go se tsewe e le bosenyi* o ama tlhokego ya kotlhao ya bosenyi. Dinako dingwe o golagangwa le go amogela kgwebo ka mmele jaaka mofuta o amogelegang wa tiro – fela tiragatso ya molao wa badiri ga se ditlamorago tse di mo pepeneng tsa go se tsewe e le bosenyi. Se ke policy choice

4. **Briefly explain why you have no view on the World Cup?**
4. **Ka bokhutshwane fela, tihalosa gore ke ka ntlha ya eng lo sa tshwaele ka Sejana sa Lefatshe.**

Tlhotlhomiso e ga e a tlhagelela ka ntlha ya Sejana sa Lefatshe, e bile ga e a leba fela ditharabololo tsa paka e khutswane go Aforika Borwa. Morero wa Khomišene malebana le Porojeke 107 ga o a golagana ka gope le Sejana sa Lefatshe sa 2010 sa FIFA, mme ke ka moo Khomišene e sa e bile e se kitla e dira dikatlenegiso mo ntlheng e.

Bogolo ba Tlhotlhomiso ya Ditlolomolao tsa Thobalano (Porojeke 107) e e simolotseng ka 1998 e na le morero o o anameng. E kobile go tlisa phetogo e kgolo ya tsamaiso ya bosiamisi jwa bosenyi malebana le ditlolomolao tsotlhe tsa thobalano, go akaretsa kgwebo ka mmele ya bagolo ka go tthatlhoba bosenyi jo bo leng teng jwa semolao le jwa molao wa setho le go dira dikatlenegiso tse e seng tsa semolao go ka tokafatsa ditsamaiso tse di dirisiwang ke tsamaiso ya bosiamisi jwa bosenyi mo go tsibogeleng tirisodikgoka ka thobalano go netefatsa gore diphetogo tse di tshitshintsweng tsa semolao di ka tsena tirisong.